


Nuna tamakkerlugu naatsorsuutit

1. Kalaallit Nunaata aningaasaqarnera 2003-2013

2013-imi aningaasarsiornikkut appariaat 1,9 pct.-iusimavoq

Kisitseqqinnerit takutippaat 2013-imi akit qaffakkiartornerat ilanngaatigereerlugu tunisassiornerup nalinga (BNP) 1,9 pct.-imik appariarsimasoq. Kalaallit Nunaata aningaasarsiornera taamaalilluni ukiuni marlunni malittuinnarni annikilliarpoq, kisitsigallarnerit 2012-imut tunngasut takutimmassuttaaq tunisassiornerup nalinga aammattaaq 0,3 pct.-imik annikilliararsimasoq. 2013-imi aningaasarsiornerup annikilliarneranut peqqutaanerpaavoq sanaartormik tunisassiallit annertuumik kinguariarsimanerat.

Titartagaq 1.1. Tunisassiornerup nalinga (BNP), akit qaffakkiartornerat peereerlugu



Malugiuk: 2003-2011-mi kisitsisit inaarutaasuupput, 2012-2013-mili kisitsigallarnerullutik.


Najoqquataq: Naatsorsueqqissaartarfik, <http://bank.stat.gl/nrn10>

Nuna tamakkerlugu naatsorsuutini ingerlatsiviit atorfeqarfillu branchenut pingaarnernut 32-nut agguataagaapput. Tunisassiornerup tamakkiisup taakkununga branchenut agguataarnerata pisinnaalersippaa inuussutissarsiutit sannaanik misissueqqissaarsinnaalernerq. Branchet 32-iusut paasiuminarsarnerisigut ikinnerulersillugit titartagaq 1.2-mi saqqummiunneqarput.

Inuussutissarsiorfik Pisortat inuinnaallu kiffartuussinerat inuussutissarsiutini annerpaatut inissisimavoq, inuiaqatigiinnilu tunisassiornerup tamakkiisup 34 pct.-ianik pilersitsiffiilluni. Inuussutissarsiutip imarivai pisortat kiffartuussi-

nerat allaffissornikkut, peqqinnissaqarfeqarnikkut, ilinniartitaannermik ingerlatsinikkut il. il. Assartuineq, post aamma tele tunisassiornerup tamakkiisup iluani 17 pct.-imik pilersitsiffiuvoq. Aalisarnej, piniarnej aammalu Industri katillutik tunisassiornerup 12 pct.-erluinnaa pilersippaat. Tassani malugineqassaaq fabrikkat aalisakkanik qalerualinnillu suliarinnittartut Industrimi ilaatinneqarmata.


Titartagaq 1.2. Inuussutissarsiutit naleqarnerulersitsinerisa agguataarnera 2013, akit aalajangersimasut 2005-imeersut atorlugit



Najoqutaq: Naatsorsueqqissaartarfik, <http://bank.stat.gl/nrn04>

Titartagaq 1.3-mi takuneqarsinnaavoq naleqarnerulersitsisarnermik pilersitsisarnej qanoq inuussutissarsiutinut agguataartarnersoq. Tunisassiornej (tungujortut), kiffartuussiviit (qorsuit) taavalu pisortat inuinnaallu kiffartuussinerat (qasertoq).

Titartagaq 1.3. Naleqarnerulersitsinerup ineriartornera, akit aalajangersimasut 2005-imeersut atorlugit



Malugiuk: 2003-2011-mi kisitsisit inaarutaasuupput, 2012-2013-mili kisitsigallamerullutik.

Najoqutaq: Naatsorsueqqissaartarfik, <http://bank.stat.gl/nrn04>

2. Nunap iluani pisiumassuseq nunanillu allanik niueqateqarneq


Nunap iluani pisiumassuseq nunanillu allanik niueqateqarneq
 Pisiumassuseq tamakkiisoq 2013-imi 6,8 pct.-inik annikilleriarpoq. Pisiumassutsip annikilleriarnera nunap iluani niuernermeersoq ineriartornermut taamatut ineriartortoqarneranut tapertaavoq, pisiumassutsillu annikilleriarnera avataanit eqqussuinerup annikilleriarnermik kinguneqarpoq, taanna 13,6 pct.-mik apparmat.

Pisiumassuseq pilersuinerlu annertussutsimikkut assigiittarput, taamaammallu nikerarneri assigiimmik ingerlasarlutik. Pisiumassutsimi qaffariarneq nunap avataanut niueqateqarnermit imaluunniit nunap iluani pisiumassutsimit aallaaveqarsinnaavoq. Pilersuinermi annertuseriaat avataanit eqqussuinermit imaluunniit nunap iluani naleqarnerulersitsinermit, BNP-mit matussuserneqarsinnaavoq.


Piffissat pisiumassutsip qaffakkiartupiloorfigisai amerlanertigut avataaniit eqqussuinerup assingusumik qaffariarneranik kinguneqartarput, tamatumunnga pequtaavoq piffissami naannerusumi pilersuinerup ineriartorneranut BNP-p matussusiisinnaassusaata killeqartarnera. Taamatut pisoqartarnera 2008-mi 2010-milu pisunut assinguvoq, tassani pisiumassutsip qaffariapiloornerata kingunerimmagu avataaniit eqqussuinerup qaffariapiloornera.

Titartagaq 2.1. Ukiumoortumik pisiumassutsimi pilersuinermilu ineriartornivimmut alliertortitseqataasut

Alliertortitseqataasut pct. Pisiumassuseq



Alliertortitseqataasut pct. Pilersuineq



Malugiuk: 2003-2011-mi kisitsisit inaarutaasuupput, 2012-2013-mili kisitsigallarnerullutik.
 Najoqqutaq: Naatsorsueqqissaartarfik, <http://bank.stat.gl/nrm11>


3. Innuttaasut atuinerat

Innuttaasut atuinerat

Innuttaasut atuinerat tamakkiisoq nuna tamakkerlugu naatsorsuutini ilanngullugu naatsorsorneqartarpoq. Tamannalu titartagaq 3.1-imi takuneqarsinnaavoq akit ingerlaavartuni aaliangersimasunilu ukioq 2005 aallaavigalugu naatsorsukkani.

Innuttaasut atuinerat piffissami 2003-mit 2013-imut akini ingerlaavartuni 44,9 pct.-mik qaffariarsimavoq. Saqqumersittagaq Atuisunut akit ineriartornerat iluaqutigalugu innuttaasut atuinerata qaffasissusivia naatsorsuinikkut nassaarineqarpoq akit qaffakkiartorerisa peerneratigut, taamaasilluni annertuseriarnivik 15,7 pct.-iusimalluni. 2012-miit 2013-mut innuttaasut atuinerat 0,4 pct.-imik annertuseriarsimavoq.

Titartagaq 3.1. Innuttaasut atuinerat 2003-2013




Malugiuk: 2003-2011-mi kisitsisit inaarutaasuupput, 2012-2013-mili kisitsigallernerullutik.

Najoqqutaq: Naatsorsueqqissaartarfik, <http://bank.stat.gl/nrm07>

Titartagaq 3.2-mi takutinneqarpoq innuttaasup ataatsip agguaqatigiissillugu atuinerata ineriartornera 2003-miit 2013-imut. 2003-mi innuttaasup ataatsip agguaqatigiissillugu 80,5 t.kr.-nit ukiumut atorsimavai, qaffakkiartuaarluni 2013-imi 117,4 t.kr.-nit atorsimallugit.

2007-miit 2013-imut inuup ataatsip agguaqatigiissillugu aningaasat atortagai amerligaluarlutik kisianni pisiassat pisiarisartagai taama amerlitiginngillat.


Titartagaq 3.2. Innuttaasup ataatsip agguaqatigiissillugu atuinera, 1.000 kr.



Malugiuk: 2003-2011-mi kisitsisit inaarutaasuupput, 2012-2013-mili kisitsigallernerullutik.
 Najoqqutaq: Naatsorsueqjissaartarfik, <http://bank.stat.gl/benst1> aamma <http://bank.stat.gl/nrn07>

Titartagaq 3.3-mi takuneqarsinnaapput innuttaasut sunik atuisarnersut, 2011-mi 2013-imilu. Atuiffiit annerpaat sisamat tassaapput inuussutissat, inigisanit atuineq, tunisassiat kiffartuussinerillu allat taavalu imigassiat tupallu. Sisamaallutik katikkaanni innuttaasut atuinerisa 62 pct.-erivaat.

Titartagaq 3.3. Innuttaasut atuinerat atuiffinnut agguarlugit




Anm.: 2010-mi kisitsisit inaarutaasuupput, 2012-mili kisitsigallernerullutik.
 Najoqqutaq: Naatsorsueqjissaartarfik, <http://bank.stat.gl/nrn07>

4. Avataaneersunik niueqateqarneq

Avataaneersunik niueqateqarneq

Titartagaq 4.1-mi takuneqarsinnaavoq avataanit eqqussuinerup avataanullu annissuinerup BNP-mut sanillersuunna 2003-miit 2013-imut. Tassani takuneqarsinnaavoq avataanit eqqussuineq avammut niuernermit BNP-mut sanilliullugu annertunerungaatsiarloq.

Titartagaq 4.1. Nioqutissanik eqqussuinerup annissuinerullu BNP-mut sanillunnerat, akit ingerlaavartut




Malugiuk: 2003-2011-mi kisitsisit inaarutaasuupput, 2012-2013-mili kisitsigallarnerullutik.

Najoqutaq: Naatsorsueqqissaartarfik, <http://bank.stat.gl/nrn11>

2009-mi avataanit niueqateqarneq annikilleriarpoq, tamannali 2010-mi mumippoq. Avataanit eqqussuinerup nioqutissanit kiffartuussissutinullu agguataarnera qiviaraanni takuneqarsinnaavoq, avataanit eqqussuinerup qaffariarujussuarneranut peqqutaanerpaasoq kiffartuussissutit avataani pisiarinqartut annertusinerat. Avataanit kiffartuussissutinik pisiortorneq pingaarnertut uuliasiulersinnaanermut misissueqqissaarnermi aningaasaliinermiit aallaaveqarpoq, tamakkulu suliffeqarfinit avataaneersunit suliarineqarput, taamaammallu avataanit eqqussuinerup isigineqarlutik.


Titartagaq 4.2. Nunanik allanik niueqateqarneq, akit ingerlaavartut



Malugiuk: 2003-2011-mi kisitsisit inaarutaasuupput, 2012-2013-mili kisitsigallarnerullutik.
 Najoqquataq: Naatsorsueqqissaartarfik, <http://bank.stat.gl/nrn01>

Titartagaq 4.3-mi takutinneqarpoq piffissami 2003-mit 2013-imut, nunanik allanik niueqateqarnermi akit nikingassutaasa ineriartornerat. Nunanik allanik niueqateqarnermi akit nikingassutaat naatsorsorneqartarpoq avammut tunisat nalingisa ineriartornerat avataaniit eqqussukkat akiisa ineriartornerannik agguarlugu, taamaalilluni takuneqarsinnaanngortarpoq nunap iluani tunisassiat akiisa nunat allat tunisassiaasa akiinut unammillersinnaanersut.

Titartagaq 4.3. Nunanik allanik niueqateqarnermi akit nikingassutaat



Malugiuk: 2003-2011-mi kisitsisit inaarutaasuupput, 2012-2013-mili kisitsigallarnerullutik.
 Najoqquataq: Naatsorsueqqissaartarfik, <http://bank.stat.gl/nrn12>


5. Tamakkiisumik aningaasaliissutit

Tamakkiisumik aningaasaliissutit

Tamakkiisumik aningaasaliissutit tassaapput tunisassiortut nunaqavissut tunisassiormerninni atortussaminnik pisinerat pigeriikkaminnik tunisinerat ilanngaatilugulu.

Titartagaq 5.1-imi takuneqarsinnaavoq aningaasaliissutit ukioq 2003-mit 2013-imut qanoq ineriartorsimanerat. Matumani immikkut maluginiagassaavoq uuliasiulersinnaanermi aatsitassarsiulersinnaanermilu misissueqqissaarnermi aningaasaliinerit ukiuni kingullerni qaffariarujussuarsimanerat, ingammik 2011-mi 2012-imilu. Taamaasillutik taakkununga 2011-mi aningaasaliinerit 5.174 mio. kr.-iupput.

Titartagaq 5.1. Tamakkiisumik aningaasaliissutit 2003-2013, akit ingerlaavartut



Malugiuk: 2003-2011-mi kisitsisit inaarutaasuupput, 2012-2013-mili kisitsigallarnerullutik.

Najoqqutaq: Naatsorsueqqissaartarfik, <http://bank.stat.gl/nrn09>

6. Paasisutissat allat

Paasisutissat allat

Nuna tamakkerlugu naatsorsuutit sukumiinerusumik paasisaqarfigerusunneqarpata nittartakkami www.stat.gl misissuataarneqarsinnaapput.

Input-Output tabellit 2003-miit 2010-mut, nuna tamakkerlugu naatsorsuutit tunngavigalugit suliat, aammattaaq misissorneqarsinnaapput uani: www.stat.gl/NRN201501/p1

Nunat tamalaat nuna tamakkerlugu naatsorsuusiornissami maleruagassaat uani misissorneqarsinnaapput:

- – European System of Accounts (ESA 1995). Eurostat. Luxembourg 1996
- – System of National Accounts 1993 (SNA 1993). FN, OECD, Eurostat, IMF og Verdensbanken. 1993

Nuna tamakkerlugu naatsorsuutit suliaqartarnermi systemit taavalu taakkununga atuisinnaanermut tunngasut paasiuminarnerit:

- – Nationalregnskabet. Bent Thage og Annette Thomsen. Handelshøjskolen Forlag. 2004.
- – Nationalregnskab, udenrigshandel og betalingsbalance. Christen Sørensen. Systime 2002.

Nittartakkat nuna tamakkerlugu naatsorsuutit tunngasinnaasunik imallit:

www.un.org

www.oecd.org

www.imf.org

www.worldbank.org

www.europa.eu.int/comm/eurostat/

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

Josef Kajangmat

E-mail: joka@stat.gl

2015 ukiumoortumik paasisutissat

Naatsorsueqqissaartarfik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

